



Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

DE SVMMO PON=||TIFICE,|| QVINQVE LIRBRIS|| EXPLICATA.||

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

XXIV. Refutantur argumenta Caluini & Illyrici, qui probare conantur, Papam non esse amplius Episcopum. vbi etiam refellitur fabula de Ioanne Papa fœmina.

[urn:nbn:de:hbz:466:1-53860](https://nbn-resolving.de/urn:nbn:de:hbz:466:1-53860)

CAPVT XXIV.

Refutantur argumenta Caluini & Illyrici, qui probare conantur, Papam non esse amplius Episcopum; ubi etiam refellitur fabula de Ioanne Papa fæmina.

RESTAT id, quod ultimo loco proposuimus, ut videlicet ostendamus, Romanum Pontificem non solum Antichristum non esse, sed nec ullo alio modo amisisse pontificatum suum. Siquidem Caluinus & Illyricus, ille ratione; iste conjectura quadam probare conantur, non esse hoc tempore verum Episcopum.

Atque ut à CALVINO incipiamus, ita ille loquitur in institut. lib. 4. cap. 7. §. 23. & 24. Ipse Verò Pontifex quid omnino habeat Episcopale, scire velim: primum in munere Episcopi caput est, plebem Dei verbo docere: alterum & proximum huic, Sacra menta administrare: tertium monere & hortari, corrigerere etiam eos qui peccat, ac in sancta disciplina populum continere. Quid istorum facit? immò quid facere se simular? Dicant igitur, qua ratione velint haberi Episcopum, qui nullam officij partem minimo digito, vel in speciem saltem attingit. Non ita de Episcopo est, sed de Rege. hic enim et si non exequatur quod proprium est Regis, honorem nihilominus ac titulum retinet. At in Episcopo diiudicando respicitur Christi mandatum, quod semper in Ecclesia valere debet. hunc ergo nodum mibi soluant Romanenses. Nego ipsorum Pontificem esse Episcoporum Principem, cum sit Episcopus. Hæc ille.

Ni fallor, tota hæc ratiocinatio ad hunc breuem syllogismum reuocari potest. Cùm hoc intersit inter Episcopum, & Regem; quod Rex, nomen est potestatis, & præfecturæ, cui annexum est officium regendi populum: Episcopus autem, est nomen solius officij, verbum Dei, & Sacra menta ministrandi: certè si neque Rex, neque Episcopus munere suo fungatur, Rex nomen, & dignitatem suam retinebit, Episcopus amitteret: Romanus autem Pontifex officio Episcopali, ne in speciem quidem fungitur; quippe qui nec verbum, nec Sacra menta populis ministrat: Romanus igitur Pontifex no-

men

men & dignitatem suam perdidit, atque adeò Episcopum
non potest.

” Iam verò MAGDEBURGENSIS Cent. 9. cap. 20. col. 300
” id ipsum coniectura & signo confirmare nititur. Aliunt enim,
” signum euidens mutationis Romanæ Ecclesiæ in Babylonie,
” cum meretricem fuisse, quod voluerit Deus, ut circa illam tem-
” pora, in quibus hæc mutatio facta est, vera quadam mis-
” meretrix in sede Pontificia sederet; quæ quidem Ioannes
” pa. VIII. dicta est.

” Id verò probant; PRIMO, ex auctoribus, Platina, Manlio
” Polono, Sigeberto, & Mariano Scoto. SECUNDO, ex evi-
” giis eius rei, quæ ad nostra tempora remanserunt; nimis
” ex quadam sede porphyretica intus perforata, quæ manebat
” in Palatio S. Ioannis Lateranensis, cuius usum fuisse dicunt
” institutum post flagitium illud detectum, ad explorandum
” videlicet, an Pontifex recens creatus, esset masculus, nec ne-
” ITEM, ex quadam statua mulieris cum puerō, quæ usque ad
” nostra tempora mansit in eo loco, ubi dicitur, Ioannes VIII
” peperisse. DENIQUE, ex eo, quod Romani Pontifices, qua-
” do ex Vaticano ad Lateranum pergunt, solent declinare lo-
” cum illum, ubi ista mulier dicitur peperisse, in detestationem
” facti; alioqui enim illa est recta via. Sed non est difficile hos
” nodos soluere.

Acvt CALVINO primùm respondeamus, vel Calvinus
loquitur de significatione nominis, vel de re ipsa, quando di-
cit Episcopum esse nomen officij, Regem esse nomen digni-
tatis. Si de nominis significatione, apertè decipitur. nam
Episcopus dicitur ab ἐπίσκοπεῖν; id est, à considerando, sine
inspiciendo, & sonat officium inspiciendi; ita etiam Rex dicitur
à regendo, & sonat officium regendi. Et sicut Rex est nomen
magistratus; ita ἐπίσκοπος etiam apud Ethnicos erat nomen
magistratus, nimis Prætoris; ut patet ex Aristophane in a-
uibus. & quod maius est, idem nomen pastoris, in diuinis lite-
ris tribuitur Episcopo, & Regi; ut patet ad Ephes. 4. & Iai. 44.

Si verò de re ipsa loquitur, non minus decipitur. nam, ut
regia auctoritas non est simplex officium iudicandi, ut est iu-
dicum aliorum, sed vera præfectura in rebus politicis; id est,
potestas regendi homines sibi subiectos, imperando, & pu-
niendo;

niendo: ita etiam Episcopatus non est simplex officium prædicandi, ut est aliorum multorum, qui concionantur, & non sunt pastores; sed est vera præfectura Ecclesiastica; id est, potestas regendi homines in rebus spiritualibus, & diuinis; ac proinde imperandi, & puniendi. De qua re & multa suprà diximus, & plura adhuc infrà dicemus in libro sequenti; nunc pauca loca, sed clarissima annotasse sufficiet. Apostolus Paulus 1. Cor. 11. Cetera, inquit, cùm Genero, disponam. Et 2. Corinth. 13. Ut non præsens durius agam, secundum potestatem, quam dedit mihi Dominus. Et Hebr. 13. Obedite præpositoris Generis, & subiacete eis. Et 1. Timoth. 5. Aduersus Presbyterum accusationē nō recipere, nisi sub duobus, aut tribus testibus.

Adde huc quoque; falsum esse, Pontifices non fungi munere Episcopali. Nam non tenentur per se concionari, & Sacramenta ministrare, si iusta aliqua de causa impedianter; sed satis est, si curent per alios ista omnia præstari. Alioqui Episcopi ad impossibilia obligarentur. Nullus enim est tam exiguis Episcopus, qui possit per se sufficere ad concionandum, & Sacra menta ministranda in tota sua dicecesi. Sicut ergo satisfacit, si in eo loco, ubi per se non potest, per alium concionatur; ita satisfacit, si in omni loco per alios concionetur, quando in nullo per se id facere potest. Neque desunt exempla antiquitatis. Scribit enim Possidius in vita B. Augustini, sanctum Valerium Episcopum Hipponeensem commississe. Augustino Presbytero suo officium prædicandi; propterea quod ipse, cùm Græcus esset, non posset Latino populo prædicare. Et ibidem Possidius refert, in Orientali Ecclesia plures Episcopos mutus prædicandi, quod ipsi per se exequi nequibant, Presbyteris suis demandare solitos: nec ramē dicere possumus, vel S. Valerium, vel alios, qui per se non prædicabant verbum Dei, Episcopos non fuisse.

Ad argumentum MAGDEBURGENSIVM dico; fabulam esse illam de Ioanne Papa fœmina, quam satis accuratè refelit Onuphrius in additione ad Platinam. Ac primum aperre conuincitur esse fabula, ex testimoniiis Scriptorum Græcorum & Latinorū. Primus omnium, qui de hac re scribere potuit, & qui rem optimè nouit, fuit Anastasius Bibliothecarius, qui illo ipso tempore vixit, quo singitur Ioānes iste IX. pontificatum gessisse, nimirum circa annum DCCC. L. & in-

ggg terfuit

Historia de Ioanne papa fœmina.

terfuit creationi Pontificum multorum, qui hunc Ioannem vel præcesserunt, vel sequuti sunt. Ille igitur scribit, post Leonem IV. vacasie sedem quindecim diebus, & mox communis consensu creatum fuisse Benedictum III. quibus verbis indicat, nullum fuisse Ioannem fœminam. Omnes enim, qui illum Ioannem admittunt, dicunt, eum sedisse post Leonem IV. ante Benedictum III. & vixisse in pontificatu duobus annis & quinque mensibus.

Dicent fortasse, Anastasium in gratiam Pontificum offisse istum Ioannem VIII. At contra, nam saltem debet ponere, sedem vacasie post Leonem IV. duobus annis cum medio, ne errorem exploratum in Chronologia admittatur, & errorem, qui poterat refelli ab oculatis testibus, qui non viuebant. RESPONDENT, non esse errorem in Chronologia, quia duo isti anni Ioannis adduntur annis Leonis IV. Leo enim IV. dicitur ab Anastasio sedisse annis VIII. qui intercipendi sunt, ut sex anni sint ipsius Leonis, alij duo addantur ex annis Ioannis fœminæ.

AT CONTRA; nam non solum Anastasius, sed etiam Martinus Polonus, & Platina, & Magdeburgenses, & Bibliander, & alij, qui ponunt Ioannem VIII. sedisse duobus annis, dant Leoni annos VIII. Igitur necessario erit error in Chronologia Anastasij, si iste Ioannes ponatur fuisse Pontifex post Leonem. DE INDIENON solus Anastasius, sed etiam Ad Episcopum Viennensis, qui eodem tempore vixit, & de quo nulla suspicio est, quod in gratiam Pontificum voluerit mentiri, docet nullum fuisse Ioannem inter Leonem IV. & Benedictum III. Sic enim loquitur in Chronico anni DCCC. LXV. Pontifex, inquit, *Romanus Gregorius moritur, atq[ue] eius loco Sengius ordinatur: illo defuncto, succedit Leo. Quo obeunte Benedictus in sede Apostolica substitutur.* Et similiter loquuntur Regino, Lambertus, Hermanus Contractus, Abbas Vipergensis, Otho Frisingensis; & omnes alij historici, qui plurimi sunt, usque ad Martinum Polonum, qui fuit quadringentis annis posterior isto factio Ioanne VIII. & ipse primus natus Ioannis VIII. meminit contra fidem omnium antiquorum. Ab ipso autem acceperunt Platina, & ceteri recentiores.

Nec solum Latini, sed etiam Græci, qui ante Martinum Polonum scripsierunt, ut Zonaras, Cedrenus, Ioannes Curiosus,

palates, & alij nullam mentionem huius tam prodigiosæ historiæ inter res eius temporis faciunt: cùm tamen illi non faueant Romano Pontifici; quique libenter accepissent occasionem irridendi Latinos in hac parte, si potuissent. Quomodo autem credibile est, melius nouisse res gestas, circa annum D C C C. L. Martinum Polonum, qui vixit anno M. C C. L. quam omnes historicos alios, qui vixerunt anno DCCC. vel DCCCC. vel millesimo?

Quòd autem Magdeburgenses dicunt, Sigebertū & Marianum Scotum Martino Polono antiquiores, Ioannem fœminam in suis Chronicis posuisse: falsum est. Etsi enim in impresso Sigeberto & Mariano Scoto inueniatur Ioánes fœmina, tamen in antiquissimis manuscriptis non inuenitur; & sat is constat, corruptos fuisse autores illos. Exstat adhuc in monasterio Gemblacensi, ubi fuit Monachus Sigebertus, antiquissimum exemplum manuscriptum, quod putatur ipsius Sigeberti autographum, & in eo nulla mētio est Ioannis fœminæ. quod manuscriptum exemplum testatur se vidisse Ioannes Molanus Doctor Louaniensis, qui adhuc superest. Similiter in antiquissimis exemplaribus Marianī Scotti nō haberi Ioannem fœminam, testatur ille, qui Metropolim Alberti Krantij edidit, anno M. D. LXXIV. Coloniæ.

Deinde SECUND O, quod fabula sit ista narratio Martini de Ioanne fœmina, probatur ex ipsa narratione. PRIMO enim dicit, istum Ioannem fuisse Anglicum ex Moguntia. At Moguntia nō est in Anglia, sed in Germania. Ut autem hunc errorem emendent alij, mirabiliter inter se pugnant. Nam Platina dicit, fuisse Anglicum istum Ioannē, sed oriundum ex Moguntia. Magdeburgenses ē contrario dicūt fuisse Moguntinum, sed oriundum ex Anglia. Theodorus autem Bibliander in Chronicō dicit, neque natum, neque oriundum ex Anglia; sed tamen educatum & eruditum in Anglia.

SECUND O, dicit Martinus, & qui eum sequuntur, dedisse operam literis Athenis. At constat eo tempore, neque Athenis, neque usquam alibi in Græcia fuisse vlla Gymnasia literaria. Scribit enim SYNESIUS in epistola ultima ad fratrem suum, suo tempore Athenis nihil fuisse, nisi nomen Academiæ. Fuit autem Synesius paulò post tempora Basilij & Nazianzeni. Scribunt etiam Cedrenus, & Zonaras in vita Mi-

chaëlis & Theodoræ Imperatorum, circa finem imperij chaëlis, quando nimis solus regnabat, matre Theodora amota, bonarum literarum & Philosophiæ scholas fuisse constitutas à Bardo Cæsare, cùm usque ad illud tempus per annos plurimos ita fuissent extincta omnia studia sapientiae in Graecia, ut ne vestigium quidem ullum exstaret. Constat annū imperium Michaëlis solius, Theodora amota, incidiū tempora Nicolai I. qui successit Benedicto III. qui succedit, ut isti singunt, Ioanni VIII. fœminæ. Immò Chronologe omnes, & ipse etiam Bibliander, ponunt initium imperij Michaëlis solius, anno Christi DCCC. LVI. & Ioannis fœminæ pontificatum, anno DCCC. LIV. Ex quo sequitur, post mortem Ioannis istius cœpisse in Graecia reuinisse studia sapientiae.

TERTIO, Magdeburgenses dicunt, Ioannem istum VIII. peperisse in itinere, cù ex Vaticano inuisere veller Ecclesiam Lateranensem. At certissimum est, ut Onuphrius demonstret in libro de septem Ecclesiis, Romanos Pontifices non habuisse in Vaticano, sed in Lateranensi palatio, usque ad tempora Bonifacij IX. id est, usque ad annum M. CCC. XC. quomodo ergo, si in Laterano habitabat, yolebat ex Vaticano inuisere Lateranum? Certè si quis nunc scribebet, Pontificem ex Laterano venisse, ut inuiseret Ecclesiam Vaticanam, illius esset, cùm omnes sciant, Pontificem in Vaticano habuisse.

QUARTO, dicit Martinus, & ceteri omnes, istum Ioanem in solenni & publica supplicatione peperisse. At certè nullum habet probabilitatem, quod mulier uterum gerens iam ut menses, tunc maximè voluerit procedere, quando maximè periculum erat ne detegeretur.

TERTIO, probatur hoc idem ex epistola Leonis IX. gravissimi Pontificis, ad Michaëlem Episcopum Constantinopolitanum, cap. 23. ubi Leo Papa scribit, famam esse confitentem, in patriarchatu Constantinopolitano multos eunachos sedisse, & inter eos obrepisse etiam, & fuisse Patriarcham nam fœminam. Quod certè nūquam obliiceret Leo IX. Græcis, si tale aliquid paulò ante Romanæ sedi accidisset. Immò fortasse hinc nata est hæc fabula de Ioanne fœmina. Cùm enim rumor esset, quādam fœminam fuisse Pontificem Constantinopolitanum; & deinde paulatim, omissō nomine Constantino.

stantinopolitani, remansisset fama & opinio de fœmina Pontifice, & Pontifice vniuersali: cceperunt aliqui in odium Romanæ Ecclesiæ dicere, fœminam illam Romanum Pontificem fuisse. Et verisimile est, circa tempora ipsius Martini hanc famam exortam. Certè Martinus Polonus, qui primus hoc scripsit, nullum auctorem refert; sed tantum dixit, fertur. Itaque solùm ex incerto rumore hoc habuit.

Neque mirum videri debet, si aliquis in odium Romanæ Ecclesiæ hanc fabulam finxerit, posito fundamento illo de fœmina Pontifice, & maximis contentionibus, quæ erant illo tempore inter imperatorios & pontificios homines. Nam etiam nūc videmus, Magdeburgenses magis incredibilia fingere. Cū enim Martinus solum scriperit hanc mulierem fuisse Anglicam ex Moguntia, neque aliquid addiderit de parentibus, & nomine proprio mulieris, & de ceteris rebus: Magdeburgenses addiderunt, patrem huius fœminæ fuisse Angulum sacerdotem, & ipsam vocatam initio Gilbertam, nutritam quoque sub habitu viri in monasterio Fuldenſi, & libros de Magia scripsisse, quæ sunt omnia mera figura sine teste, & sine ratione excogitata. Adde, quod Martinus ille Polonus vir simplicissimus videtur fuisse. Scribit enim alias fabulas permultas, tanquam si historiæ probatissimæ essent.

Quod verò obiiciunt de sede perforata, de statua mulieris, & de declinatione à via, facile soluuntur. Nam, vt ex lib. I. sacrarum cærimoniarum, sect. 2. constat, tres erant sedes lapideæ in Lateranensi Basilica, in quibus nouus Pontifex se-debat tempore suæ coronationis. PRIMA sedes erat ante ingressum in templum, eaque vilis & abiecta; ad quam sedem nouus Pontifex primum ducebatur, atque in ea aliquantulum se-debat, vt per eam cærimoniam significaretur, eum de loco humillimo ad locum summum ascendere. Inde enim illum eleuantes, canebant illud i. Reg. 2. Suscitat de puluere egenum, & de stercore elevar pauperem, & sedeat cum Principibus, & solium gloria teneat. Ethæc est cauſa, cur ea sedes stercoraria diceretur. ALTERA sedes erat porphyretica, in ipso palatio; & ibi se-debat secundò, in signum possessionis, atque ibi sedens accipiebat claves Ecclesiæ & palati Lateranensis. TERTIA sedes similis erat secundæ, nec procul ab ea; atque in ea post paululum sedens, tradebat easdem claves ei,

ggg 5 à quo

à quo antè acceperat; fortè ut ea cærimonia admonetum
mortis, per quam breui potestatem illam alteri traditurus
set. De sede, ad explorandum sexum, nulla usquam mentio.

S T A T U A verò illa mulieris cum puerō, sine dubio nou-
rat Ioannis Papæ. Nam si aduersarij dicunt, antiquos hilti-
cos in gratiam Pontificis noluisse memoriam huius mul-
ieris in libris ponere; quomodo verisimile est, voluisse Ponti-
fices ipsos memoriam exstare in statua? **D E I N D E**, si statuah-
ius Ioannis esset, mulierem cum infantulo recēs nato repra-
sentasset. at imago illa neque fœminam referebat, neque in-
fantem in sinu gerebat; sed puerum satis magnum, & am-
orum multorū, quasi præcedentem famulum, referebat. Quo-
re coniiciunt quidam fuisse statuam illam alicuius Ethnici
sacerdotis, parati ad sacrificandum, quem suus minister pe-
cedebat. **D E N I Q V E**, cur Pontifices viam illam breviorem
mittant ad Lateranum proficiscentes, non est in detrac-
tionem ullius sceleris, sed quia via illa est angusta, & anfractuosa,
& proinde incommoda pontificio comitatu, quissem
per frequentissimus esse solet. Adde, quod, vi O.
nufrius testatur, non desunt Pontifices,
qui non semel per hanc ipsam
viam iter fece-
runt.



LIBER